



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 5. Vtrum visio beatifica perpetua sit. Et qua ratione.

[urn:nbn:de:hbz:466:1-76990](#)

quod sunt intensiora, seu plures partes intensionis habentia, communis, & certa sententia Theologorum est. Cur ergo visio beatifica, pro qua causandâ datur lumen, ex partibus itidem intensionis non erit pariter composita?

42 Dices cum Derkennis. Quia visio est repræsentatio obiecti, quæ non à pluralitate partium, sed à peculiari modo repræsentandi illud euadit melior, vt in imagine materiali cernere est: non enim melius repræsentatur Cæsar per suam picturam ex eō, quod huic plures partes intensionis addantur, aut plures picturae eiusdem Cæsaris in eodem loco penetrerentur. Non tamen bene. Quia repræsentatio imaginis materialis obiectiva est, consistentque in eius similitudine, physica cum suo prototypo, quæ non semper maior sit, sive exactior per additionem intensionis. At vero repræsentatio visionis, & cuiusvis actus cognitionis est formalis, & instar cuiusdam potius lucis aperientis, sive manifestantis obiectum potentia cognoscitiva concipienda est, quæ, vt in luce evenit materiali, eō clarius manifestabit, quo fuerit intensior.

43 Dices rursus cum Quidos. Dux cognitiones eiudem obiecti non clarius, meliusque notificant illud, quam una sola. Ergo neque duæ, vel plures partes intensionis eiusdem. Nego antecedens. Quia habens aliunde notitiam de aliquo obiecto melius illud cognoscit si tali notitiae accedat fiducia de eodem, aut vice versa, ut constat experientia. Aqua potius confirmatur sententia nostra.

44 Dices denique. Maior claritas scientia diuinæ non consistit in maiore intensione partium. Ergo neque maior claritas cognitionis creatæ. Nego consequentiam. Quia neque maior sanctitas Dei consistit in maiore intensione partium, vt maior sanctitas creaturæ. In Deo quippe omnis perfectio est indivisiibilis; cum ramen multæ in creaturis sint divisiibiles, vt est certissimum. Fortasse est etiam possibilis cognitio creatæ clara indivisiibiles quoad intensionem ad instar diuinæ. Sed, cum divisiibiles etiam possibilis sit iuxta dicta, tales confunduntur, quæ dantur defacto à paritate saltem aliorum accidentium similium, de quibus constat, talia esse,

QVÆSTIO V.

Verum visio beatifica perpetua sit. Et quare ratione.

45 Suppono primo tanquam certum secundum fidem, beatitudinem iustorum in Patriâ perpetuam, sive æternam fore. Id enim passim Scriptura sacra contestantur, vt Psal. 36. Et hæritas eorum in eternum erit. Sap. 5. Iusti autem in perpetuum vivent: & apud Dominum est merces eorum. Math. 25. Ibunt in supplicium eternum. Iusti autem in vitam æternam. 2. Corint. 4. Eternum gloria pondus operatur in nobis. Ad Gal. 6. De Spiritu metet vitam eternam. 1. Petr. 5. Qui vocavit nos in eternam suam gloriam, &c. 1. Ioan. 2. Et hec est promissio, quam ipse pollicitus est nobis vitam eternam. Et alias sapientissime. Et tradunt omnes Patres etiam passim. Omnesque Theologi cum Magist. in 4. dist. 19. & S. Th. 1.2. q.5. art. 4.

46 Suppono secundò dissidium inter Theologos esse, an perpetuitas de essentiâ beatitudinis sit. Negant Montes. 1. 2. disp. 7. q. 2. Gran. tract.

3. disp. 3. sect. 1. & alij. Affirmant Soar. 1. 2. disp. 14. sect. 3. Vazg. disp. 21. cap. 2. Gasp. Hunt. disp. 2. diff. 14. Oued. tract. 1. contr. 3. Curiel. Salas, & alij interpretes S. Th. q. 5. art. 4. citato. Sed controversia hæc, vt quibuldam placet, sive est de modo loquendi. An scilicet ea operari, in qua cœsistere dicitur beatitudo, nomen beatitudinis. Cœscatur, non solùm, quando in externum est duratura, sed etiam, quando aliquando finienda est. Affirmat prima sententia. Secunda vero longè communior negat. Et metitò. Primo; quia, vt ait Arist. lib. 1. Ethic. cap. 2. Ver nec una facit irundo, nec unus dies: & beatum hominem eodem modo nec unus dies, nec breve vulum effici tempus. Omne autem tempus est breve comparatione æternitatis. Secundò; quia beatitudo communis omnium conceptione id bonum est, quod, quantum est ex se, & appetitum satiare, & omnem anxietatem habentis illud depellere, sive impedit valet. Tale autem non est bonum, quantumvis magnum, aliquando finiendum; utpote quod neque appetitus semper fruendi se est satiatum, neque impeditum anxi timoris se aliquando amittendi. Tertio; quia beatitudo formalis in possessione, aut etiam fruitione stat summi boni: non censetur autem summum bonum comparatione possidentis, quod tantum ad tempus possidetur; quandoquidem maius est bonum illius, possidere in eternum. Sed dicunt Adversarij. Visio Dei beatificans hodie eadem esset, eodemque modo assiceret habentem illam, eodemque modo possideretur ab illo hodie, et si esset aliquando finienda. Ergo etiam eas, quod esset finienda, beatificaret illum hodie. Consequenter videtur bona. Quia videns Deum per id solum bonum, quod hodie habet, efficitur hodie beatus, non item per id, quod non habet. Sed id torum quod hodie habet, habebet hodie eodem modo, et si esset cellatura eius visio. Ergo. Didingo primum antecedens. Visio Dei beatificans hodie eadem esset, &c. physicè; concedo. Veluti moraliter; nego. Et nego primam consequentiam. Distinctaque pariter probatione eius; nego etiam secundam. Itaque visio Dei, et si physicè sit eadem, eodemque modo se habens hodie, sive sit semper duratura, sive sit finienda aliquando; veluti moraliter tamē est diuersa, diuersoque modo se habens pro diversitate horum casuum: quia visio duratura semper ab ea extrinsecè denominatione æternæ sua durationis euadit quasi moraliter hodie bonum longè praestantium, & longè magis estimabile, atque adeo aliter amabile, quam, si aliquando finienda esset. Quo fit, ut quando in eternum est duratura, sit beatitudo; qualis non esset, si esset aliquando finienda.

Suppono tertio tanquam certum, Beatos de facto clare cognoscere sue beatitudinis, atque adeo suæ visionis beatifica perpetuatam. Ita enim docet August. tom. 3. in Enchiridio cap. 29. dicens, Placuit Vniverstatis Creatori, ut multitudine Angelorum, quæ cum Deo praextiterat, de suâ certissime cognitione semper felicitate futurâ gauderet. Et tom. 5. lib. 11. de Ciuit. cap. 32. Angelos, inquit, sanctos in sublimibus Cali sedibus de suâ superna, & verâ felicitate securos, & certos esse, nemō ambigat. Et Cyprian. lib. de moralitate fine ait, Magnus illic nos charorum numerus expectat, parentum, fratribus frequens nos, & copiosa turba desiderat iam de suâ immortalitate secura, & adhuc de nostrâ salute solicita. Constatque ex certa Theo-

Disp. XXI. De passionibus Visionis Dei. Quæst. V. 639

Theologorum omnium doctrinā statutā à nobis disp. 20. q. 4. proposit. 3. qua asseritur, Beatos, quæcunque ad se, ad suumque statum pertinent, intuituē videre. Nihil autem magis ad Beatos, ad eorumque statum pertinet, quām iplorum beatitudinis, atque adeò visionis beatificæ perpetuitas, ut est notissimum.

48 Diddium autem est inter Theologos, an cognitione de perpetuitate visionis beatificæ spectet ad conceptum, sive ad essentiam beatitudinis. Negabunt imprimis, qui negant, ipsam visionis perpetuitatem ad essentiam beatitudinis pertinere. Ex alijs vero negant etiam Vazq. 1. 2. disp. 21. c. 3. Soar, disp. 14. sect. vlt. Cardin. Palauic. disp. 2. de actib. q. 2. art. 9. & alij. Afirmant tamen Less. lib. 3. de Summo bono c. 9. n. 110. & 111. Arriag. tom. 2. disp. 48. sect. 5. Amic. to. 3. disp. 2. sect. 9. Reques. lib. 1. disp. 3. sect. 7. Derkennis de Deo disp. 7. c. 9. n. 81. Espanza q. 3. de actibus hum. art. 9. & alij. Quibus ego subscribo sequutus S. Th. lib. 3. contra Gent. cap. 62. & 2. 2. q. 18. art. 3. Vbi ait. Requiritur ad veram beatitudinem, ut aliquis certus sit de sua beatitudinis perpetuitate: alioquin voluntas non quietatur. Etenim perpetuitas visionis Dei alter, quām media sui cognitione, eaque omnino certa, satiare nequit appetitum Beati, eumque securum, & quietum reddere, omni penitus anxietate, timoreque tantam bonum amittendi depulsis. Spectat autem ad beatitudinis conceptum, hæc omnia, per se immidiatè, ac veluti in genere causæ formalis præstare posse, de factoque subinde connaturaliter præstare, nullum secum in mente Beati metum, nullam anxietatem, nullam inquietudinem, nullum mororem compatiendo; nisi fortasse diuinus aliquando impediatur. Ex quo patet, in ipso conceptu beatitudinis cognitionem omnino certam includi de ipsis perpetuitate. De quibus omnibus plura dicenda in tract. de Beatitudine.

49 Quoiam autem communī Theologorum consensu conceptus beatitudinis essentialis, de qua sermo est, ex solis actibus Beati, qui circa Deum summum bonum versantur, constare potest, quicunque censem, ad talem conceptum pertinere notitiam prorsus certam de ipsis beatitudinis perpetuitate, consequenter censem, eiusmodi notitiam ab ipsa visione Dei distinctam, non esse; sed per eandem prorsus visionem, qua Beatus videt Deum, videre quoque sive beatitudinis perpetuitatem. Id quod aliunde etiam venit probandum ex doctrina tradita à nobis supra disp. 20. q. 4. Ibi enim statuimus, quæcunque obiecta distincta à Deo videntur intuituē à Beatis titulo sive beatitudinis, per ipsam visionem, beatificam in Verbo videri. Constat autem huiusmodi obiectorum potissimum ipsis beatitudinis, ipsiusque prōinde visionis perpetuitatem, seu durationem aternam esse.

50 Restat tamen adhuc examinandum, quomodo fieri possit, ut per ipsam visionem beatificam ipsis visionis perpetuitas, sive duratio aeterna videri possit. Cum enim visio beatifica titulo intuitionis clarissima, & supernaturalis omnium suorum obiectorum essentialiter vera sit, atque adeo metaphysicè, sive essentialiter connexa cum ipsis suis obiectis, ut apud omnes est confessò; si suam perpetuitatem, sive durationem aeternam haberet pro obiecto, coipso semel producita essentialiter esset indestruibilis, sive incorruptibilis: Deusque subinde adhuc de potentia absoluta non posset illam per totam aeternitatem destruere, sive corrumpere; ut non posset illam adhuc de potentia abso-

lutà falsificare. Quod tamen videtur absurdum. Quia creatura suapte essentiæ indiuisibilis à Deo, ipsiusque subinde dominio quoad destructionem sui non subiecta chymatica prorsus esse videtur.

51 Nonnulli ex præcitatibus Auctòribus non gravant concedere, esse possibilem creaturam, qua semel à Deo producta indestruibilis sit essentialiter titulus connexionis sui essentialis cum sua aeterna duratione; talenque prouinde censem esse visionem beatificam de facto; ut pote quæ ex una parte pro obiecto habet præter Deum aeternam durationem sui; ex alia vero essentialiter vera, essentialiterque prouinde connexa cum omni suo obiecto sit. Ita sentiunt Arriag. Amic. & Espanza vbi supra. Conscientique Oued. 1. 2. tract. 1. contr. 3. punct. 3. & alij Recentiores. Ego vero sententiam hanc reieci supra disp. 8. q. 3. à n. 53. vñ inefatiliter ostendens ex communi sententiâ Patrum, & Theologorum esse impossibilem creaturam, quæ semel producita titulo aliquo per tempus vilum diuisibile, nedum infinitum, sive aeternum, essentialiter durans, à Deoque subinde interim indestruibilis, sive incorruptibilis eset. Recognoscantur ibi dicta; quibus ad rem non opus est addere quicquam.

Propterea ab alijs Recentioribus varij ex cogitati sunt modi, quibus componantur hæc tria. Primum, quod per ipsam visionem beatificam Beatus redditur conscienti, & prorsus certus, atque securus de aeternitate sua beatitudinis. Secundum, quod visio ipsa beatifica essentialiter vera, essentialiterque subinde connexa cum omni suo obiecto sit. Tertium, quod nulla sit nihilominus creatura essentialiter incorruptibilis semel producta; sed qualibet post primum usq; existentia instans in quolibet alio ex sequentibus possit destrui, sive corrupti à Deo.

52 Primus modus indicatus ab Espanza vbi supra, & ab alijs traditus est, si per visionem, beatificam certissime cognoscat Beatus, se in aeternum beandum non ipsa eadem visione determinatè, sed aliquà vagè. Hoc namque ex una parte sufficit, ut Beatus sit prorsus securus de sua aeterna beatitudine, ex alia vero non exposcit, quod per hanc determinatam visionem in aeternum beetur, sed tantum, quod beetur per hanc, vel per quamlibet aliam. Quo locus superest, ut tam hæc, quām quamlibet alia, non obstante sua essentiali veritate, maneat à Deo corruptibilis pro qualibet temporis instanti ultra primum usq; existentia; subrogata tamen prò eodem alia simili illi. Non diffiteor, modum hunc simpliciter esse possibile. Existimo tamen non ita cuenire de facto. Nam, cum pertineat ad Beatum titulu talis ea omnia videre, quæ ad ipsum spectant, ut re ipsa sunt in se, iuxta communem, & certam, Theologorum sententiam statutam disp. 20. q. 4. vñnumque eorum sit crita dubium aeternitas sua beatitudinis, plane consequitur, Beatum titulu talis ipsam eandem aeternitatem beatitudinis, quam est habiturus, debere videre de facto, ut re ipsa in se est futura determinatè, (siquidem à parte rei non potest quidpiam esse vagum iuxta dicta in Pharo Scient. disp. 10. q. 2.), idque in Verbo, & per visionem beatificam, prout etiam in prædicta q. 4. disp. 20. statutum est. De facto igitur Beatus titulu talis videre debet, se in aeternum beandum, non solum per aliquam visionem Dei vagè, sed etiam per eam ipsam visionem determinatè, per quam re ipsa beandum est. Quo reciditur in difficultatem vitandam. Nam si visio vera essentialiter, & in aeternum duratura suam determinatam

aet-

eternitatem pro obiecto habeat, eo ipso erit essentialiter indestruibilis, ut constat ex superioribus dictis.

54 Secundus ergo modus traditus à Quiros tom. i. de Deo disp. 33. sect. 5. est, si visio beatifica qualitas quædam sit absolute secundum secum ab intellectu Beati, tum ab obiecto; ex qua & ex intellectu Beati ait solis, aut alia interposita qualitate pariter absoluta coalescat denominatio videntis tum Deum, tum durationem eternam ipsius visionis. Ut sic enim nulla creatura erit in tali complexo non destruibilis à Deo; quia nulla erit connexa essentialiter cum duratione eterna sui; tametsi denominatio videntis, ut pote essentialiter vera, connexa essentialiter sit cum eterna duratione visionis. Hic tamen modus etiam est reiciendus primò; quia philosophiam inducit alienam à communī, ponendo denominationem intelligentis semiextrinsecam intellectui Beati, & coalescentem ex entitatibus penitus inconnexis. Secundò potissimum; quia non vitat difficultatem vtiāndam; quandoquidem denominatio videntis ab ipso complexo indistincta indestruibilis essentialiter manet, ut pote cum essentiali veritate notificans intellectui Beati suam eternam durationem, prout debet, ut reddat illum securum de ipsius beatitudine. Respondet ad hoc secundum Quiros, impotentiam destruendi dictum complexum nullius absurdum esse; quia est potentia consequens, ut pote oriunda ex suppositione, quod Deus voluerit eius partes coniungere. Sed contra est, Quia eodem prorsus modo est consequens potentia destruendi quamlibet aliam simplicem creaturam cum eterna sua duratione connexam, ut pote pariter oriunda ex suppositione, quod Deus voluerit dare existentiam tali creaturæ; & tamen hanc rāquam absurdam, & impossibilem repudiat Quiros. Etenim prædictum complexum creaturæ quædam complexa est; idemque est prorsus velle Deum coniungere illius partes, ac velle dare illi existentiam, ut constat. Quis autem non videat, impotentiam destruendi creaturam ex suppositione, quod Deus voluerit dare illi existentiam, & quæ antecedentem, aut consequentem, & quæ impossibilem, aut possibilem efficiere talis creatura simplex, siue complexa sit? Cum planè nihil ad rem interterit differentia ista. Videantur dicta ad rem supra loco citato ex disp. 8. q. 3.

55 Tertius modus traditus etiam à Quiros disp. 33. citata sect. 6. & 7. est, si visio beatifica aut non sit affirmatio in abstracto eternæ durationis sui, aut non reddat intellectum Beati affirmantem in concreto illam, nisi ingrediente de connotato, siue in oblique in conceptu talis affirmationis decreto Dei de eadem eternæ duratione. Ita enim fieri, ut non ex suppositione visionis adhuc prout intellectui unitæ, sed solum ex suppositione decreti Dei sit necessaria illius eterna duratio; eo quod solum est necessaria ex suppositione, quod per visionem affirmetur; & non affirmatur, nisi ex suppositione decreti intrinsecæ constituentis de connotato talem affirmationem. Esse autem necessariam eternam durationem visionis ex suppositione, quod Deus decreverit, eam in eternum durare, nihil prorsus imminuit libertatem, siue dominium diuinæ voluntatis, ut est manifestum. Huic modo est affinis alias, quem idem Quiros adiungit sect. 8. nempe, si visio beatifica in ratione affirmantis eternam durationem sui per ipsam eternam sui durationem constituantur intrinsecæ de connotato. Quicnadmōdum in sententiâ com-

muni completere actus Dei per extrinsecâ connata scientia affirmativa, quam Deus habet de existentiâ creaturæ, in eis talis constituitur de connotato per ipsam existentiam creature, ita namque constitutâ affirmatione visionis, idem erit, eternam durationem eius esse necessariam ex suppositione talis affirmationis, ac, esse necessariam ex suppositione suimet. Quo difficultas, quam versamus, penitus cessat, vi est notum.

Ceterum philosophia, quæ hic supponitur, de intellectione creatâ, qualis est visio beatifica, prorsus videtur inaudita, alienaque à cogitatione, nēdum à consensu communī. Quis enim haec nos cogitauit, nēdum afferuit, intellectionem aliquam creatam per decretem Dei de obiecto suo, aut per obiectum ipsum constitutum in eis intellectionis iudicatiuam ipsius obiecti? Certe, si qua ita constitueretur, denominatio ea esset extrinseca, aut summum semiextrinsecam comparatione intelligentis, ut patet: cum tamen omnis intellectus creatus quædam iuxta sententiam omnium sit actus vitalis, atque adeo immanens in intelligenti ipso prorsus intrinsecus. Nec perceptibile videtur, quomodo per decretem Dei, aut per obiectum extrinsecum, & sapientius nondum existens (vt euenerit in proposito) exercitium, actualis intelligendi intra mentem intelligentis constitui posset. Quare actualis intellectus sic constituta haud dubie est censenda impossibilis iuxta conceptum, quem omnes haec nos formarunt de quiditate actualis intellectionis. Nam si qua eiūmodi semel adstrueretur possibilis inter intellections creatas, omnes afferenda essent tales: siquidem omnes conueniunt, similesque proinde sunt in conceptu intellectionis creatæ. Vnde præterea sequeretur, nullam creatam intellectionem posse esse falsam: quia nulla posset constitui per suum obiectum, aut per decretem Dei de illo, quando verè non essent; vii deberent verè non esse ad hoc, vt illa falsa esset. Paritas autem intellectionum Dei per extrinsecâ connata constitutarum iuxta sententiam Connontationis non iuvat ad propositum. Tum quia vel ob id etiam inter alia multa ea sententia est prorsus falsa, prout videbimus in tractatibus de Scientiâ, & de Voluntate Dei: nam tale genus intellectionis etiam in Deo est imperceptibile; impossibileque subinde censendum est. Tum quia, licet in Deo admittatur ob suam infinitudinem, & eminentiam, vt admittuntur alia parum à nobis pro statu presente intelligibili; non statim debet illud admitti in creaturis infinites infinitè distantes ab eminentia Dei. Ex quibus omnibus concluditur, prædictos modos à Quiros ex occasione cogitatos ad euadendam difficultatem, quam circa visionem beatificam in presenti versamus, nequam ad rem idoneos censendos esse.

Supereft igitur, vt quem nos censemus idoneum, exhibeamus. Qui sanè eò minus debet esse suspectus, quod magis independenter à presente difficultate iam dudum in Pharo Scient. statuimus fundamentum, cui nititur. Ibi enim disp. 2. q. 4. confect. 6. & disput. 10. q. 3. proposit. 4. omnem intellectionem creatam iudicatiuam (præterea quando ea est de obiecto prout ali quando existente) tum per alienam, tum etiam per propriam speciem habitam suapte essentia esse alligatam unico instanti temporis, in quo producitur; atque ita, quories intellectus creatus per tempus aliquod diuisibile perseverat in indicando aliquod huiusmodi obiectum, necessarij esse tale

tale iudicium suapte essentiæ successuum, coalescensque tanquam ex paribus ex totidem iudicijs quasi partialibus, quot sunt instantia, ex quibus gariter coalescit ipsum tempus, ita ut singulis instantibus singula iudicia quasi partialia realiter inter se distincta respondeant, & vnumquodque eorum per unicum dumtaxat instans temporis duret, sive in eo unico dumtaxat temporis instanti existat, cui suapte essentiæ alligatum est. Cuius doctrinæ potissimum fundamentum est; quia obiecta aliquando existentia penes tres status, quos possunt habere, de praesenti scilicet, de præterito, & futuro, tres necessarij veritates obiectus fortiuntur comparatione intellectus creati, non aliter, quam successu temporis, & ex certis, determinatisque instantibus ab eo vere iudicabiles: in quibus subinde instantibus solis, & non in alijs debent iudicia eius existere adhuc, ut sint vera. Vnde pro iudicij essentialiter veris, qualis est visio beatifica, de qua modò agimus, adhuc est certior doctrina ista. Vide illam latè expositam, & demonstratam locis citatis; ne iam actum agamus. Itaque visio, qua Beatus iudicat de praesenti, Deus existit nunc, puta in instanti praesenti A, nec potuit existere ante instanti A, nec poterit perseverare post ipsum: quia nequit existere nisi affirmando existere Deum in instanti A prout praesenti, cum sit id de sua essentiæ; & nequit aut ante instanti A, aut post ipsum affirmare, existere Deum in instanti A prout praesenti; quin falsa sit: quod ei repugnat. Siquidem affirmatio de existentiæ Dei in instanti A prout praesenti indirectè saltem est affirmatio de praesenti ipsius instantis A: planeque est falsum, affirmare de instanti A, quod prefens est, aut antequam praesens sit, aut, postquam præteriit. Similiter visio, qua Beatus iudicat de futuro, Ex nunc (puta ex instanti praesenti A) per totam sequentem æternitatem video Deum, & ero beatus, nec potuit existere ante instanti A, nec poterit perseverare post ipsum: quia, cum si per essentiæ tuam affirmatio de futuritione æternæ beatitudinis incipiente ab instanti A prout praesenti, & con sequenter de ipsa praesenti instanti A, existens ante, vel post ipsum necessarij fata esset: quod ei repugnat, ut dictum est in priori casu. Concluditur ergo, visionem Dei per quodvis tempus diuisibile seu finitum, seu infinitum duraturam non posse, non esse successuum, compositamque ex tot visibilibus quasi partialibus, quot sunt instantia talis temporis; quarum unaqueque unico, & proprio instanti tuo per suam essentiam ita sit alligata, ut in eo solo possit existere. Id quod nobiscum tenet (litter ex diuerso, haud dubio tamen minus solido, fundamento) Card. de Lugo disp. 19. de Incarnat. sect. 1. n. 20. Ignat. Derkennis disp. 7. de Deo cap. 9. n. 69. & alij. Supponimus autem in praesenti, quodvis tempus continuum, ex solis instantibus indivisibilibus constare. Id quod supra demonstratum relinquimus disp. 8. q. 4. n. 100. & 112. rursusque disp. 10. q. 4. à n. 233.

⁵⁸ Hoc posito fundamento, iam facile apparet, quomodo Beatus per ipsam visionem beatificam essentialiter veram æternitatem sue beatitudinis videre possit; quin detur illa creatura essentialiter indestruibilis. In quorum trium coniunctione stabat difficultas vincenda, & n. 52. proposita. Nempe per unamquamque visionem partialem & essentialiter veram earum, ex quibus constat integra visio beatifica successiva, & æter-

na, clarissimè videt Beatus tum Deum, tum ipsam eamdem visionem partialem, tum ceteras omnes suo ordine futuras, atque etiam præteritas, nullà dempta. Sicque fit, ut per suam integrum, & æternam visionem beatificam essentialiter veram totam eamdem visionem beatificam videat. Tantumque abest, ut hic interueniat creatura aliqua indestruibilis, ut potius nulla sit, quæ non debeat necessarij destrui ultra primum instantis sua existentia. Quæ omnia, suppositis diuisis, satis conspicua sunt.

Ex quibus etiam appareat, quomodo per visionem beatificam possint a Beato videri successu temporis aliquæ creature, quæ ab eo non fuerant visa à principio, prout supra disp. 20. q. 4. proposit. 8. statuimus. Cum enim singulis temporis instantibus visiones partiales correspondant, nihil est, quod prohibeat, visiones correspondentes instantibus sequentibus suapte essentiæ esse visiones, præterquam Dei, aliquarum creaturarum, quarum non fuerunt visiones correspondentes instantibus antecedentibus. Nec est necessarium propterea, quod sint posteriores diuise speciei a prioribus, etiam si obiecta creatura posteriorum ab obiectis creatis priorum sint diuersæ speciei: omnesque proinde eiusdem speciei prorsusq; similes quoad suas intrinsecas entitates sunt astendendæ; prout constat ex doctrinâ statutâ q. 2. sunt itidem astendendæ prorsus aequalis quoad claritatem, omnemque intrinsecam perfectionem; non solum, quatenus sunt visiones Dei, quo pacto constituant beatitudinem essentialiem, quæ in Beatis successu temporis nec crescit, nec decrescit; sed etiam, quatenus sunt visiones creaturarum, quo pacto constituant beatitudinem accidentalē; quæ quoad perfectionem etiam intrinsecam essentiali proportionatur. Verum quidem est, à perfectione veluti extrinsecā obiectorum eō meliores, sive estimabiliores visiones euadere, quo plurim, & meliorum obiectorum visiones sunt, ceteris paribus. Quo titulo subinde Beatus eō maiorem habebit indies accidentalem beatitudinem, quod plura, & meliora obiecta creatæ ipsi successu temporis per ipsam visionem beatificam modo dicto notificantur. Tametsi integræ accidentalis beatitudine per totam æternitatem obuentura uniuersique Beato cum ipsius beatitudine essentiali proportionanda sit iuxta ea, quæ dicebamus supra disp. 20. q. 4. proposit. 14.

Porro omnes prædictæ visiones partiales, ⁶⁰ quas unusquisque Beatus successu temporis est habitus, tametsi præterquam Dei, diuersorum obiectorum creaturarum sunt futurae visiones, quemadmodum ab eodem intellectu, ita & ab eodem lumine gloria ipsi à principio infuso, & inuariabiliter permanens sunt producendæ. Cum enim lumen gloria ex parte intellectus se habeat, ad ipsumque eleuandum detur, ut possit connaturaliter causare visionem iuxta dicta disp. 19. q. 3. tale infundetur à principio, quale ex parte sua fuerit sufficiens inuariatus ad causandas omnes visiones ad quas etiam ex parte sua per totam æternitatem concuandas intellectus Beati sufficiens erit: aut certè ad concuandas eas, quas Deus præuidit ab ipso intellectu per totam æternitatem concuandas de facto. Diuersitas autem requisita ex parte principiorum ad æquatorum visionum diuersarum, sive habentium diuersa obiecta creatæ ex diuersitate specierum impressarum se habebit, quæ ad illas etiam concuandas dabuntur de facto, iuxta doctrinam etiam datam dicta

M M M disp.

disp. 19. q. 8. Quāquam enim, ne per plura-
fiant, quā fieri posunt per pauciora; species im-
pressa Dei cum lumine gloriæ erit de facto identi-
ficata iuxta dicta ibi q. 9. aut etiam fortasse eo-
dem titulo species impressa creaturarum, qua simul
cum Deo à principio, & per totam æterni-
tatem à Beato videndæ sunt per visionem beatificam : pro
creaturis tamen successu temporis vi-
dendis oportebit, vt earum species indies in-
fundantur à Deo, qua simul cum alijs principijs
concurrent adhuc, vt connaturaliter causentur
visiones partiales, quæ, præterquam Dei, aut
etiam aliarum creaturarum antea visarum, earum
insuper, quæ sunt indies successu temporis vi-
dens, visiones sint.

vt presentes per se ipsas claritate, ac perfectione
prædicta notificant intellectui Beati: (nam si vna,
quæque, dum præsens est, per aliam reflexam in-
codem instanti præsentem est notificanda, pro
hoc requireretur alia in codem instanti præsens, &
& pro hac alia, abireturque in infinitum; quod est
absurdum). Insuperque singula, dum presentes
sunt, cæteras tam præteritas, quam futuras, quo
ordine illæ sunt præteritæ, vel futurae, eidem intelle-
ctui eadæ claritate notificans atque ita vnaqua-
que, dum præsens est, se ipsam ut præsentem
quasi reflexè, & cæteras omnes directè vi præ-
teritas, & vi futuras pro obiecto habet,

Secundò queritur, vtrum visio beatifica sit
complexa, vel incompleta. Idque tripli sen-
su. Primo, an sit composita ex partibus inten-
sionis, vel prorsus quoad intentionem simplex,
sive indivisiibilis. Et de hoc iam actum est supra
q. 4. Secundo, an sit composta ex partibus ex-
tensionis aut subiectiæ, aut obiectiæ. Et circa
hoc omnes supponere videntur, simplicem & in-
divisiibilem esse; quod est verissimum. Subiectiæ
nem quidem: quia eius subiectum, nempe intelle-
ctus aut Angeli, aut animæ humanæ, indivisiibi-
le est. Obiectiæ vero: quia, quatenus versatur
circa Deum, obiectum habet indivisiibile, vt
constat: ad creature autem non se extendit per
aliquam partem sui non attingentem Deum; alias
hæc non esset pars visionis beatifica; sed per se
totam indivisiim est visio Dei, & creaturarum in
Deo modis ex positib. disp. 20. q. 4. Vnde distin-
ctio ita obiectorum neutiquam facit eam com-
positam ex partibus obiectiæ excusione. Ter-
tiò, an ita sit complexa, vt formet in obiecto
suo propositiones obiectiæ complexas, sive
compositas ex prædicato, & obiecto velati alle-
rendo, Deus est bonus, Deus est sapiens, Deus
existit, &c. quo pacto iudicium humanum com-
plexum, seu complexiuum est pro statu præsen-
te, prout statutum, & explicatum est a nobis latè
in Pharo Scient. disp. 2. q. 4. hypoth. 2. & 3. Circa
quoad concors est etiam omnium sententia, visionem beatificam non sic complexam, seu comple-
xiuam esse, utpote que citra omnem omnino com-
plexionem subiecti, & prædicati simplici quodam
obtutu percipit in obiecto suo omnes veritates,
quas homo pro statu præsenti percipit per multa
iudicia complexiuia, multiq[ue] intervenientibus
terminorum, formalitatimque distinctionibus. In
quam rem faciunt, atque videri posunt, quæ latè
habemus scripta in Pharo Scient. disp. 13. q. 11. & 12.

Hinc queritur tertio, an visio beatifica sit
indicativa, an tantum simpliciter apprehensiva.
Recupit. lib. 6. de Deo q. 27. latè contendit, non
esse iudicatiæ formaliter, sed tantum æqua-
lenter, & eminenter; eo quod, vni nuper statuimus, quemadmodum iudicium nostrum,
complexiuia non est. Sed contendit in questione
de nomine. Et male loquitur. Quia certum
est, visionem beatificam esse perfectissimam scien-
tiam, qua intellectus Beati clarissime seit obie-
ctum eius, deque illius obiectiæ veritate fia-
tur, & sententiam fert. Tendere autem in obie-
ctum modo isto scientifico, suauio, & determi-
natiuo, id ipsum est iuxta communem acceptio-
nem, atque consensem, obiectum, seu de obiecto
iudicare formaliter, sive id per actum abstractum,
& complexiuum fiat; sine per intuituum, & sim-
plicem. In quo amplius non oportet morari. Vi-
deantur dicta à nobis latè in Pharo Scient. de-
quiditate iudicii humani disp. 2. q. 2. 3. & 4.

Hinc

QVÆSTIO VI.

Quānam alia circa passiones visionis intuiti-
ua Dei in præsenti disquiri soleant, aut
etiam possint.

- 61 **Q**via leniora sunt, quæ de passionibus visio-
nis intuitiæ Dei restant in præsenti tractan-
da, sub isto vniuersaliore titulo per
breves aliquot questiunculas agam de illis.
62 Quæritur enim primum, vtrum visio beatifica
sit reflexa supra se ipsam, sive se ipsam notificet
intellectui Beati. Negant Petr. Hurt. disp. 54. de
Incarn. sect. 4. subsect. 5. & sect. 6. subsect. 2. Ma-
rat. tom. 1. disp. 20. sect. 1. & disp. 21. sect. 3. Moncaus disp. 2. Theol. cap. 9. & 12. & Veken.
disp. 14. de Deo cap. 5. Affirmant vero Soar. lib.
2. de Attrib. cap. 18. n. 9. Arriag. & Ribas apudi
Veken. & alij. Recupit, antem lib. 6. de Deo q. 26.
docet, visionem Dei signatè non posse esse refle-
xam respectu sui, esse tamen exercitè. In qua
differentiæ explicandæ latè se extendit. Ego bre-
uiter censeo primum, visionem beatificam non
posse non per se ipsam præbere intellectui Beati
experimentaliter notitiam sui, sive illi se se per se
ipsam experimentaliter notificare. Id quod
commune est omni cognitioni respectu sui po-
tentia cognoscitius iuxta doctrinam traditam in
Pharo Scient. disp. 1. q. 2. hypoth. 28. Quia ta-
men, vniuersè loquendo, potentia cognoscendi
minus clare solet cognitione isto experimentaliter mo-
do per se innescare, quām per ipsam innescari
obiectum, vt constat ex dictis in hypoth. citata,
& seqq. Idecirco censeo secundò, visionem beatifi-
cam ex sua peculiari natura tam clare, & per-
fectè videri à Beato per se, quām per ipsam ab
codem videtur ipsius obiectum. Quia ex vna
parte non est, vnde repugnet cognitione ita sui no-
tificatiæ per se; cùm talis si citra omne dubium
de facto scientia divina: ex aliâ vero parte, qua
claritate, & perfectione per visionem vna cum
Deo videntur cæteræ creature ad Beatum spe-
stantes iuxta dicta disp. 20. q. 4. eadē potiore
iure debet videri visio ipsa, quæ ipsarum crea-
tarum potissima, aut vna ex potissimis est; &
nequit sic videri per aliam visionem, saltem ut
præsens, ne abeat in infinitum; proindeque
vt talis per se ipsam sic necessariò videnda est.
Itaque iuxta doctrinam nostram q. p̄ced. statu-
tam de necessariâ successione visionis beatificæ
singula visiones partiales singulis instantibus tem-
poris correspondentes, dum presentes sunt, se se